



**Եվրոպայի անվտանգության և համագործակցության կազմակերպություն
Երևանյան գրասենյակ**

դեկտեմբերի 10, 2002 թ.

**2002 թ.-ի ընթացքում ԵԱՀԿ երևանյան գրասենյակի կողմից իրականացված
գործունեությունը**

ԵԱՀԿ երևանյան գրասենյակն իր գործունեությունը սկսել է 2000 թ. մարտից: Գրասենյակին տրված մանդատի շրջանակներում վերջինիս խնդիրներից է ԵԱՀԿ սկզբունքների և պարտավորությունների, ինչպես նաև ԵԱՀԿ շրջանակում Հայաստանի համագործակցության խթանումը ԵԱՀԿ բոլոր ոլորտներում: Առաջադրանքների շրջանակը ներառում է ԵԱՀԿ հաստատությունների և կառույցների, ինչպես նաև միջազգային կազմակերպությունների և հաստատությունների հետ համագործակցության զարգացումը, հասարակական կազմակերպությունների և կրթական կառույցների հետ կապերի միջոցով ցանցի ստեղծումը, ԵԱՀԿ մասնակցությամբ միջոցառումների կազմակերպմանն աջակցումը /ՄԽ որոշում 314/99/:

Ներկայումս Գրասենյակն ունի 6 միջազգային և 8 լրիվ դրույքով և մեկ կես դրույքով տեղացի աշխատակիցներ:

Նշված ժամանակաշրջանում Գրասենյակի գործունեության հիմնական ուղղությունները հանդիսացել են.

Ռազմաքաղաքական ոլորտ. Թաղաքական և հմուտ կառավարման ոլորտում Գրասենյակը շարունակել է իրականացնել միջազգային հանրության համակարգումը Հայաստանի հակակոռուպցիոն ռազմավարության մշակման գործընթացում: Ռազմավարության փաստաթուղթը մշակելու նպատակով Համաշխարհային բանկի կողմից տրամադրված դրամաշնորհի ներքո գործող միջազգային և տեղացի փորձագետներն իրենց վերջնական հաշվետվությունն են ներկայացրել վարչապետին *ա.թ. հուլիսին*: Նշված հաշվետվությունը քննարկվել է կառավարության կողմից և այս առնչությամբ Գրասենյակը տեղեկացվել է, որ կառավարությունը պատրաստվում է ավելի կարճ, նպատակային աշխատանքային ծրագիր ընդունել *ա.թ. դեկտեմբերի սկզբին*, որից հետո վարչապետը հանդիպու է ունենալու աշխատանքային խմբի միջազգային անդամների հետ՝ քննարկելու ծրագրի իրականացման հետագա գործունեությունը/համագործակցությունը:

Նշված ժամանակահատվածի ընթացքում Գրասենյակը սերտորեն համագործակցել է փորձագիտական խմբի հետ և միջազգային գործընկերների հետ իրականացրել է մի շարք աշխատանքային հանդիպումներ առաջարկված ռազմավարության առնչությամբ առանձնահատուկ խնդիրներ քննարկելու նպատակով: Միջազգային փորձագետները ներկայացրել են օրենքների, հաստատությունների հետ կապված կոնկրետ դեպքի ուսումնասիրություններ, որոնք կիրառվել են այլ երկրներում կոռուպցիայի դեմ պայքարում, ինչպես նաև առաջարկվել են եղանակներ նշված փորձը Հայաստանի պայմաններում համապատասխանեցնելու և կիրառելու նպատակով:

Բացի այդ, Գրասենյակն օժանդակել է մոտ 30 հասարակական կազմակերպությունների կոալիցիայի ստեղծմանը, որոնք մտահոգված են երկրում առկա կոռուպցիայի մակարդակից: Կոալիցիան կարևորագույն դեր կունենա օժանդակելու և վերահսկելու ռազմավարության իրականացման գործում: ԱՄՆ ՄԶԳ-ի հետ միասին Գրասենյակն աջակցել է կոռուպցիայի վերաբերյալ հասարակական կարծիքի անցկացմանն ու արդյունքների հրապարակմանը:

Գրասենյակը շարունակել է աջակցությունը/փորձագիտական օժանդակությունը **օրենսդրական փոփոխությունների** ոլորտում: 2002թ. հունվարից Եվրախորհրդի ներկայացուցչի համատեղ գործունեությունը նշված ոլորտում հնարավորություն տվեց Գրասենյակին կիսել իր բեռը, չնայած դրան շատ օրենքներ, ինչպես օրինակ Օմբուդսմանի մասին, Ընտրական, Բրեւական օրենսգիրքը, սահմանադրական բարեփոխումները, ոստիկանության և ՀԿ-ի մասին օրենքները շարունակում են մնալ Գրասենյակի, ինչպես նաև Ստրասբուրգի ուշադրության կենտրոնում: Այդ իսկ պատճառով, Գրասենյակը ցանկանում է ներգրավվածություն ապահովել նշված ոլորտում: Դա իրականացնելու համար Գրասենյակը սերտորեն համագործակցում է Ազգային ժողովի հետ:

Գրասենյակը տեղական և միջազգային գործընկերների հետ համատեղ /կրկին ստանձնելով համակարգողի դեր/ մեծապես ներգրավվել է **ընտրական հարցերում**: 2002թ. և 2003թ. տեղի ունեցող տեղական, նախագահական և խորհրդարանական ընտրություններից առաջ կառավարությանը և Ազգային ժողովին է ներկայացրել ԵԱՀԿ/ԺՀՄԻԳ և Եվրախորհրդի վենետիկի հանձնաժողովի նախապատրաստած համատեղ փորձագիտական եզրակացությունը ընտրական օրենսդրությունում փոփոխություններ կատարելու վերաբերյալ: Սերտ աշխատանքային հարաբերություններ են հաստատվել ԿԸՀ-ի հետ: 2002թ. մայիսին տեղի է ունեցել աշխատանքային հանդիպում ընտրական օրենսգրքում առաջարկվող փոփոխությունների նախագիծը քննարկելու համար: 2003թ. ակնկալվող ընտրություններից առաջ Գրասենյակն ընդլայնել և խորացրել է իր հարաբերությունները երկրում գործող քաղաքական կուսակցությունների հետ:

ԺՀՄԻԳ-ի և միջազգային ու տեղական համայնքի ներկայացուցիչների օժանդակությամբ Գրասենյակն ներկայացրել է 2002թ. Հայաստանում տեղի ունեցած տեղական ընտրությունների քաղաքական գնահատականը: Դրա արդյունքում ընտրական գործընթացի բարելավման հետ կապված մի շարք առաջարկություններ են ներկայացվել ԿԸՀ-ին:

Գրասենյակը շարունակել է մասնակցությունը **տեղահանվածների և փախստականների հարցերով** զբաղվող աշխատանքային խմբում: Խումբը սերտորեն համագործակցում է նաև Միգրացիայի և փախստականների վարչության հետ: Գրասենյակի հիմնական հետաքրքրությունն այս ոլորտում մնում է օրենսդրական բացերը լրացնելը և օժանդակությունը Նորվեգիայի փախստականների հարցերով խորհրդին ներքին կոնֆլիկտի արդյունքում տեղահանված անձանց քարտեղագրման աշխատանքների իրականացմանը:

2002թ. ընթացքում Գրասենյակն ընդլայնել է **ռազմական/անվտանգության հարցերում** իր գործունեությունը և հանդիպումներ է անցկացրել համապատասխան նախարարությունների հետ՝ հնարավոր համագործակցության ոլորտները սահմանելու նպատակով: Միևնույն ժամանակ, Բոխարեստի նախարարների որոշմանը հարջորդել է գրասենյակի

կողմից իրականացվող լրացուցիչ ջանքերը հակաահաբեկչության հարցերում
օժանդակություն ցուցաբերելու գործում:

Վարքի կանոնագրքին և Հակահետևանքային ականներին նվիրված կանադա-
հայկական սեմինարիների կազմակերպմանն օժանդակություն ցուցաբերելուց
զատ Գրասենյակը նախաձեռնել է նաև սեմինար **»Կեղծ փաստաթղթերի
հայտնաբերում«** թեմայով, որը ներկայացվել է միջազգային փորձագետների
կողմից: Գրասենյակը ներկայումս համապատասխան մարմինների հետ
քննարկում է **Կիբերային հանցագործություն/փողի լվացում** թեմայով սեմինար
անցկացնելու հնարավորությունը: Ավելին, ԺՀՄԻԳ-ի օժանդակությամբ
Գրասենյակը խոսնակ է տրամադրել 2002թ. սեպտեմբերին
»Հակահաբեկչություն և մարդու իրավունքներ« թեմայով իրավաբանների
կոնֆերանսին:

Գրասենյակը շարունակում է հետաքրքրությունը **»Այլընտրանքային
զինվորական ծառայության մասին«** առաջարկված նոր օրենսդրության
առաջընթացի վերաբերյալ, դրա առնչությամբ մեր կողմից վերահսկվում է նաև
կրոնական ազատությունների և կրոնական հիմքի վրա զինվորական
ծառայությունից խուսափողների խնդիրը: ԺՀՄԻԳ-ի փորձագետների խմբի
կողմից ներկայացված փորձագիտական դիտողությունները 2002թ. նոյեմբերին
ներկայացվել են ԱԺ համապատասխան հանձնաժողովին և նշված հարցերում
համատեղ գործողություններ են նախատեսվում անցկացնել 2003թ. ընթացքում:

2002թ. հունվարին Գրասենյակը **»Տեղեկատվության ազատության
օրենսդրությանը«** նվիրված սեմինար է անցկացրել: Դրան հաջորդել է
լրատվամիջոցներ-կառավարություն-խորհրդարանական համատեղ
աշխատանքային խմբի ստեղծումը, որի նպատակը հանդիսանում է նշված
ոլորտում օրենսդրության նախագծման աշխատանքների իրականացումը:
»Տեղեկատվության ազատության մասին« օրենքի նախագծի առաջին
ընթերցումը ԱԺ-ում տեղի է ունեցել 2002թ. հոկտեմբերին: Այդ
ժամանակահատվածում Գրասենյակը մեծապես ներգրավվել է միջազգային
փորձագիտական ջանքերը համակարգելու և հանդիպումներ անցկացնելու
գործում:

»Զանգվածալրատվության մասին« օրենքի նախագծի առնչությամբ
Գրասենյակը շարունակել է աշխատանքը տեղական լրատվամիջոցների,
Արդարադատության նախարարության և միջազգային գործընկերների հետ:
Նախագիծն արդեն ներկայացվել է Ազգային ժողով: Բացի այդ, Եվրախորհրդի
փորձագետները և Գրասենյակը ներգրավվել են 2001թ. ընդունված
»Հեռուստատեսության և ռադիոյի հեռարձակման մասին« օրենքում
փոփոխությունների կատարմանը:

Նշված օրենքի կիրարկումը հանգեցրել է երկու հեռուստաընկերությունների
կողմից՝ Ա1+ և Նոյան Տապան, հեռարձակման հաճախությունները կորցնելու
հետ կապված իրադարձություններին: Գրասենյակը հետևել է նշված դեպքերի,
ներառյալ դատական բողոքարկումների ընթացքին և նշվածի առնչությամբ
իրազեկել է Մամուլի ազատության գծով ԵԱՀԿ ներկայացուցչին: 2002թ.
նոյեմբերին հայտարարվել է մեկ այլ մրցույթ և Գրասենյակը շարունակում է
հետևել իրադարձություններին:

Գերմանիայի կառավարության տրամադրած ֆինանսավորման շնորհիվ
Գրասենյակն աջակցել է Լրագրողների միջազգային ասոցիացիա **»Հարավային
Կովկաս«** ստեղծմանը, որի հիմնադիր կոնֆերանսը տեղի է ունեցել

վրաստանում, 2002թ. նոյեմբերին: Վրաստանում գործող ԵԱՀԿ առաքելությունը նույնպես օժանդակություն և աջակցություն է ցուցաբերել Ասոցիացիային: Միջազգային գրանցման ապահովումը (Ստրասբուրգում) նրկար է տևել:

Տնտեսական / շրջակա միջավայրի պաշտպանության ոլորտ. Գրասենյակն աշխատել է և հայկական պատվիրակությանն ուղեկցել է **Բաքվի նախապատրաստական սեմինարին և Պրահայի տնտեսական ֆորումին:** Նշված հանդիպումների ընթացքում մշակվել և համաձայնեցվել են ջրի որակի և վերահսկողության վերաբերյալ ծրագրերը: Նշվածի իրականացման առնչությամբ Գրասենյակը հետևողականորեն աշխատել է գործընկեր կազմակերպությունների հետ:

2001թ. Օրիուսի կոնվենցիայի վավերացումն ապահովելու ուղղությամբ Գրասենյակի կողմից իրականացված գործունեությանը հաջորդել է **Բնապահպանական տնդեկատվության հասարակական կենտրոնի** ստեղծումը: Կենտրոնը բացվել է 2002թ. մայիսին Բնապահպանության նախարարության շենքում: Գրասենյակը քաջալերել է կենտրոնի օգտագործումը պետական և ոչ պետական մարմինների և անհատ քաղաքացիների կողմից: Գրասենյակի աջակցությամբ հրապարակվել է բնապահպանական կազմակերպությունների տնդեկագիր:

Մրցակցության քաղաքականությանը նվիրված խոշոր սեմինար է անցկացվել սեպտեմբերին: Դա հանդիսացել է Գրասենյակի նախաձեռնությունը: Նշված միջոցառման առաջարկություններն այժմ շրջանառության մեջ են դրվել մասնակիցների միջև:

Գրասենյակն մասնակցություն է ցուցաբերում ՄԱԿ-ի Զարգացման Ծրագրի կողմից **»Հայաստանում Աղքատության նվազեցման ռազմավարության«** իրականացմանը: Նշված ծրագրի շրջանակներում Գրասենյակն ուշադրությունը կենտրոնացրել է սոցիալական բարեփոխումների իրականացմանը և աղքատության կրճատմանը: Մասնավորապես, օժանդակություն է ցուցաբերվել Աշխատանքային օրենսգրքում կատարվող փոփոխություններին, տնտեսական - իրավական դաշտում մոնիտորինգին և վերականգնման/վերապատրաստման ուղղությամբ իրականացվող միջոցառումներին:

Մարդու իրավունքների / Ժողովրդավարության ոլորտ. Գրասենյակը պատասխանատվություն է կրել ԺՀՄԻՀ-ի վեց խոշոր ծրագրերի իրականացման համար: Մարդու իրավունքների մասին իրազեկման վերաբերյալ մարդու իրավունքների թեմային նվիրված 22 հեռուստահաղորդումներ, ներառյալ 5 թոք շոուներ են նախապատրաստվել: Օգտագործելով այդ նյութերը Գրասենյակը նախաձեռնել է հասարակական իրազեկման **»շրջիկ ծրագիր«**, որի շրջանակներում ցուցադրվել են նշված թեմային նվիրված տեսաժապավեններ և անցկացվել են քննարկումներ գյուղական համայնքներում, համալսարաններում, դպրոցներում, բանտներում և քրեակատարողական հաստատություններում:

ՀԿ-րի վերապատրաստման ծրագրի արդյունքում մարդու իրավունքների մոնիտորինգի չորս զեկույցներ ներկայացվել են դատարաններում, բանակում, բարձրագույն ուսումնական հաստատություններում և քրեակատարողական համակարգում:

Քանտային բարեփոխումների ոլորտում ընթացքի մեջ են բանտային աշխատակիցների համար վերապատրաստման դասընթացները, որը հաջորդում է բանտային համակարգը Ներքին գործերի նախարարության համակարգից Արդարադատության համակարգ տեղափոխելու գործընթացին, քրեակատարողական հաստատություններում սոցիալ-հոգեբանական ծառայությունների իրականացումը և կալանավայրերում քաղաքացիական հասարակության մոնիտորինգի խմբի ստեղծումը:

Քաղաքացիների գրանցման նոր համակարգի ներդրման ծրագրի շրջանակներում նախագծվել և Ազգային ժողովի քննարկմանն է ներկայացվել ներք նոր օրենքների նախագծերը: UNHCR-ը ուղղակիորեն մասնակցել է ԺՀՄԻԳ-ի գրանցման ծրագրին և Գրասենյակն օժանդակում է վերջիններիս և Նորվեգիայի փախստականների խորհրդին փախստականների և ներքին տեղահանված անձանց հետ կապված հարցերում:

Ծառունակվել է երիտասարդ կանանց համար նախատեսված **կանանց իրավունքների կրթական** ծրագիրը, որը ներառում է գենդերային կրթությունը համալսարաններում և դպրոցներում, ինչպես նաև կանանց իրավունքների ուսուցանողների ուսուցումը, որը նախատեսված է շրջաններում ապրող երիտասարդ կանանց համար:

Իր մանդատի համաձայն Գրասենյակը շարունակել է հետևել Հայաստանում **մարդու իրավունքների իրավիճակին**: Վերջին ամիսների ընթացքում ուշադրության կենտրոնում է եղել կրոնական ազատությանը / կրոնական հիմքերով զինվորական ծառայությունից խուսափողների, մահապատժի խնդիրներին, ինչպես նաև բանակում և բանտային համակարգում առկա խոշտանգումներին և վատ վերաբերմունքին:

Ծառ գործերի ընթացք է տրվել, որոնք Գրասենյակի ուշադրությանն են ներկայացվել **անհատական բողոքարկողների** կողմից: Այն դեպքերում, երբ Գրասենյակը դիմել է համապատասխան պետական մարմիններին մշտապես ստացել է վերջիններիս բաց և օգտակար արձագանքը: Անհատական գործերի թիվը, օմբուդսմանի ինստիտուտի բացակայության պարագայում, շարունակում է աճել: Այդ նպատակով Գրասենյակն ընդունել է կես դրությամբ աշխատող իրավաբանը որն օգնում է նշված խնդիրների իրականացմանը: Գրասենյակն իրականացրել է նաև տարածաշրջանային վերապատրաստման սեմինար Հարավային Կովկասում ԵԱՀԿ այլ ներկայացուցիչների համար՝ փորձի փոխանակում իրականացնելու նպատակով:

Բրիտանիայի կառավարության կողմից տրամադրված միջոցներով անցկացվել է **ազգային փոքրամասնությունների** թեմայով սեմինար: Դրա արդյունքում մի շարք առաջարկություններ են ներկայացվել հետագա աշխատանքի վերաբերյալ, իսկ 2002թ. ընթացքում գրասենյակի օժանդակությամբ ազգային փոքրամասնությունների խնդրին նվիրված երկու ձեռնարկ է հրապարակվել:

Կանանց և երեխաների բանտային համակարգի բարեփոխումների ծրագիրը, որն իրականացվում է Dfid-ի հետ գործընկերությամբ, ընթացքի մեջ է:

Նիդեռլանդների Հելսինկյան հանձնաժողովի հետ համագործակցությամբ հաջողությամբ իրականացվել է **իրավապահ մարմինների ժողովրդավարության** ծրագիրը:

Գրասենյակի նախաձեռնությամբ մարդու իրավունքների և ժողովրդավարության հարցերի **համակարգման հանդիպումներ** են անցկացվել ինչպես պետական, այնպես էլ մասնավոր սեկտորի համապատասխան միջազգային կազմակերպությունների և դոնորների հետ: Արդյունքում ստեղծվել են մի շարք աշխատանքային խմբեր՝ առանձնահատուկ հարցերով զբաղվելու նպատակով, օրինակ ընտրությունների, օմբուդսմանի, գենդերային և տրաֆիկինգին վերաբերող հարցեր: